

德政頌



序言

求材於豫章蘭陵其淵藪
也大行伯玉先生與余稱
素交往者晤於白下流連



文酒放懷人物亟稱其家
阿咸竊心識之會

星巖公蒞任江寧政績爛
然吾吳糧篆闕移公署其

事已復暫攝捕篆固勞人
劇任也公恢々游办警息
民安旣而以轉輸之重屬
公士女卧轅下不得請爭

思慕之邦之大夫士採諸
風謠播為詩頌而徵信於
余方今重寄孰有大乎九
賦九貢者公以清慎之才

制國泉之重

賜絹晉秩東南之望其嘉
慰乎若君家茂槎稱蕭夫
子為四方名士所歸其所

序
交皆諸文行余雖不敢濫
叨世譜唯是溯名德之風
挹輿人之篤志有不能已
於言者略為序述梗概云

爾

順治乙未季夏穀旦

治生錢謙益拜撰



序

按察爲漢刺史唐十道觀察諸使宋轉運
諸使之職但唐宋諸使或兼領無專官或
因事權設事竣卽省今則有專官而典文
移者爲最原非無所事事者若夫兼攝府
事苟非精敏練達廉平公正烏能勝其任
而愉決公始蒞郡卽日進士大夫而諮詢

之體恤民隱僭運白糈慎察獄情督捕劇盜美蹟不可勝紀今以輓輪北上一時縉紳士庶思所以尸而祝之競出聲歌壽諸石版沛雖不才秉彛之好不敢後人聊志蕪詞以當沒齒不諱之意云爾

治通家弟湯本沛題

棠之詩寤歌勿諉也今飛輓白糈兩袖清風行且去我吳矣閭郡紳士以及閭里編戶之衆遑遑如失怙恃畏茲

上供無計板轅門下士彙次吳中紀述緝爲成書光昭大業爲異日旆常鼎彛券謹贅數言以弁諸卷

通家治弟蔣燦

稽古循良吏傳載賢二千石治平第一如
吳河南才氣無雙如李上谷千百世而下
猶艷稱焉當海宇晏安教化久被上之見
功下之見德易耳唯是姑蘇一郡土瘠而
洼俗囂而獷承凋襲敝牙角慣肆其憑陵
襟海負江萑苻每乘而竊發兼之吏刁民
玩奸藪神叢加以賦重役繁徵輸坐困郡

佐於以匡帥屬僚承宣

興朝德意與民更始厥惟艱哉歲在甲午冬
上臺風聞公名始借寇於吳督運白糧立
法調劑額賦不虧且尾漕及期而上此獨
賢勞者若此公又兼攝清軍吳民氣驕睚
眦小忿每構大訟蔓引株連貽禍不淺公
勸諭息訟詞不輕准役不溷差清問理剖

痛革牘尾好華競靡吳俗故習公恬淡簡
約示之以儉懸魚之風冰蘖自好庭署清
晏門可雀羅賦詩染翰甘之如飴蔬水之
供不煩支應羔羊素絲庶幾近之宜民之
政噓以醇風沛以解澤者又若此漢蕭相
國何居守關中轉運不匱時推開國元勳
指日

廟堂論功頒賞公之功當不屬都侯下吳河
南李上谷曷多足焉吳郡士庶戴德如天
不能諉公屬余隳述治績勒之貞珉永矢
甘棠之澤昭示千秋爲半載居官誌盛云
公諱來儀號松門江西南昌府南昌縣人
通家治弟宋學顯
夫一代之興必有偉人哲士瑰奇淵異上

應昌期起而翊贊熙隆救寧疆宇喁喁之
衆佩明德仰淑徽者謳唵籲祝遠近無間
萃萬姓之懽心以迓嘉祉日斯昇月斯恒
山凝川至矣必三載而後政成哉吳郡號
稱澤國萑苻嘯衆獸屯鳥散憑溟滓以肆
其奸公密贊前籌決策安定四郊多壘旋
就芟夷慎獄寬刑緝盜護赤却暮夜之金

急


京儲之輓繭絲保障犁狀並舉吳民貧公寬
之以財吳民疲公養之以力吳習囂公鎮
之以靜吳氣驕公道之以和吳俗奢公示
之以儉兩袖清風一肩詩話悠狀若有餘
味焉綏寧之績不異鄴侯之守關中武侯
之治西蜀凡叨宇下真不啻如天之庇也

半載而化洽澤被而民孚甘棠之澤久而
彌深峴山之碑金石永固公之治行他日
載之旆常銘之鍾鼎光昭令業輝映千秋
寧止吳民一時歌思勿諉哉紳士輩屬余
繫述政略謹序一言庶幾康衢之頌以當
不朽之祝云

治通家弟徐文衡

序

嘗稽召公治周居棠下而勅理民事民咸
德之矢甘棠之咏千百世而下猶嘖嘖人
口嗟乎惠澤及民若是之深民之感孚若
是之甚哉歲在甲午冬上臺德公之才使
之來佐郡事承宣德意嘉予維新僅半載
而黎民蒸蒸向化袞衣興歌輿人叶頌維



P/后缺

彼聖賢政化感被尚矣史傳兩漢多循良
吏如王霸之守潁川宋均之守九江文翁
之守西蜀英譽騰茂指不勝屈上下今古
未嘗不掩卷三歎三載考績布政優優功
且易見德亦易孚今者孔席未暖而上臺
之課最士庶之口碑謳唵載在簡編尸祝
將崇廟貌公之及民與民之感公何異甘

蕭公祖德政頌

見說名家滿笏簪多君瓌璋復球琳烏飛江左芙蓉
幕澤滿姑蘇棠棣陰自有文章麟表瑞坐看政
績鶴和音一帆如駛勞王事爲訴東南民力深

錢謙益

牧齋
內秘書院學士

遙憐東海暮雲遮意氣論交有幾家共指芙蓉明
月近因看禾黍惠風嘉衣垂天上銅符瑞澤澍吳
中湛露華魚在高梁雀在戶錦囊傳出有琵琶

韓四維 芹城翰林

丞相賢能屬鄴侯
嗣音蹶起媿前修
高騫鳳翼乘風遠
小試牛刀裕刃游
已識田郎良郡牧
共推樂令古名流
素絲佇與冰壺映
衆志成城臥轍留

楊廷鑑 水如欽召內翰林

何暮興思嗣好音
邦人臥轍聽鳴琴
中原有菽催黃鳥
薊北多材咏盍簪
九陌風清噓海嶠
三吳雪霽見虛襟
公門桃李霑時雨
報答春暉只此心

鄭應臯 允生丁亥科戶部

漢廷轉餉屬何人
飛輓曾無厯紫宸
杜氏度支稱武庫
張華版使轉陽春
和風滿境恩環照
甘雨隨車澤更新
郡屬股肱膺寄重
使君日日坐花茵

顧贊 簡生巳丑科評事

江右人龍命世豪
才空千古吏空曹
肯云仕路同碁局
姑向人情類桔槔
十萬家須真布鬪
二千石與共流膏
期年借寇吳民幸
御筆應題治行高

錢王任 友馮
已丑科提學道

輝翔鸞鳳古名賢落落心期痼與癢捧日向從天
上至作霖新自舊都還才高刺史文章內意在醉
翁山水間况有嘉賓稱國士知君鼓瑟俗緣剛

蔡元禧 壬辰科

文章久已碧紗籠此日栽培見化工經濟一腔聊
展騏軸轡千里亘如虹爲民請命無私已與國分
憂在鞠躬如水臣心同映徹六街絃管樂和風

吳晉錫 茲受
庚辰

星分翼軫次神臯嶽降弘都有俊髦通藉浮沉儕
半刺晉階紆曲侶三刀龔黃治行一夔足賈董聲
名五鳳毛恰是風流良刺史佇膺 朝命五雲高

李吳滋 百穀
已未

誰作吳城甘澍霖不虛龍種識天心一琴方弄開
熙皞半豹旋窺徹古今綸紱泥香連權喜袴襦春
煥一盃深黃雲穠稔人爭頌粉署蕭疎月滿襟

李模

灌谿
乙丑

德星躔次應金閭舊是真人郡
伴良草木知名成
徧德蠹蝗避境有餘糧
丈瀾筆湧迴彭蠡治畧書
成秘錦箱莫以下寮稱吏隱
御屏早已姓名香

許成章

石虹
壬戌

秀毓三江帶五湖不期此地慰來蘇
錦帆春煥花
陰遍馬阜風清月色孤
伏莽知無狐鼠嘯向隅亦
鮮雁鴻呼儒林羸得詩書効
知是君卿道學區

周起龍

雲卿

馬鑿車鐸日鏦鏦應有勞
人氣未降決事如流風
赴谷哦詩忽動雨翻江
參軍俊逸搖星署錄事清
新倒石淙古道支持輕
鶴骨閒來猶是倚南窓

金世羨

漢廣

年少才名初削珪
紫金爲字濕封泥
香花兩路東
郊北密漶煙村南
畝西明德在人歌
錫類中原有
菽撫遺黎度支國計
端攸賴拂袖清風月滿畦

張輔在躬

猷分刺史共彈冠轉覺經綸此地寬黎保保嬰真
類賈蠹祛祛鯁却如韓公餘翻得書千卷興到吟
來日幾竿劔躍龍津寧小試區區寮佐尚泥蟠

繆慧遠

子長
丁亥科

緬惟古良吏於今得使君徐平威望著張暢佐蕃
聞署冷心如水平才高政不紛萑苻馴斥渡紀律靖
狼氛虛已崇儒術進賢具大臚于公無枉獄劉育

快同羣嘯諾因公孝枌榆降瑞雲先賢稱介石聖
德勒奇文千載貽弓冶一時無匹倫楓宸將大用
先此頌弘勳

湯本沛玄洲

使君笈日赴姑蘇竹馬歡迎滿徑途冒雨修堤傳
世甯落帆勤職嘆名駒董糈百里爭輪程掌鑰千
家逐野狐知是鉅才堪借著星輅無奈駕京都

吳适幼洪
內召兵科

視篆臨吳下春風動玉琴錦帆新奏政花縣舊留
吟戢暴潛嶠帟持躬却夜金運漕推相國君績繼
餘音

宋學顯

令聲
通政司

自晉關中第一名屏星從此再崢嶸石城維翰才
堪寄林屋分符政更平桑柘千村無鼠伏梧桐百
里有鸞鳴運儲奏最難留轍

蔣

燦

岷重

北闕將看寵澤盈

使君佐郡肅清修茂苑偏欣數月留三異著聞寧
讓魯百錢持贈敢忘劉金闈樽酒開行色虎阜風
烟縮別愁莫謂吳儂無臥轍去思常銘富民侯

莊同生

內翰林

星輶喜御近融和竹馬兒童舞咲歌昔見河陽花
滿縣今歌震澤政無苛留轍爭爲饒襦袴掌鑰曾
經寢甲戈奏績長安帆影速教人流盼意如何

陶元祐

康叔
癸未科

疏請當年著耿光名傳世裔倍流芳秋巖介性無
瑕月春育吳民有脚陽才並沈犀輸國賦政同鼎
甬達巖郎去思上佐仁風遠卜築題留三至堂
花封奏績豔當年白粲煩供剪冠烟震澤滄漭思
遠濟吳山突帆度高舉共驚報最傳三訣更喜垂
麻戴二天父老銘恩當不朽移將廉石續新篇

陸壽名

處實
兵部

豫章從古著名英司業丰猷莫與京幸遇循良傳
世德喜看卓異艷休明山中虎豹今無猛江上舠
艤動旅程茂苑屏星誰復曜驪駒爭唱贈君行

趙士春

景之
丁丑

星巖蕭公祖山斗隆名星雲異采治雅傾心已
久乙未春署篆吳門歌吟遍野雅以計偕在
途樞趨恨晚聊賦俚言用伸積愫遂不計其

工拙云

西山極目何巖崿江流滂潰翻蛟宮遠拖天紳瀑
布水高攢石劔香爐峰山水文章起鳳麟蔚離光
氣侵星文香名作賦滕王閣盛業譚經漢帝廷五
雲拜詔出承明僊鳧雙舉追王生百里雷封種花
滿萬花深處鳴琴聲黃紙新除蒞南國鍾山風雨
甘棠澤六朝簫管奏秦淮日與江聲聽無極輕移
官舍下姑蘇幽風七月須弘圖黍稷羔羊頌膏雨
倘能借寇分銅符春明走馬長安道百口雷喧說

冰操歸來相見如玉山九齡風度江南少

劉李雅

肄宵
辛卯

閭闔霏霏降紫霞滿城烟火樂繁華共傳棠蔭滋
南國又見瓜期駕北車借寇一年留日暮思劉千
里隔天涯江邊惟有東流水得似山中百尺窪

錢化洪

山銘
戊子

憶昔吳宮泛百花今朝重御使君車冰清得見松
門鏡江秀曾傳鶴嶺茶氛靜千村驅鼠穴賦餘三

粟樂農家與情願借渾無計蚤貯山公夾袋紗

徐枋 昭發 壬午

符分白水佐藩新借箸臨吳撫字仁化俗畏沾野
艸露清漕請籍上林酌酒城飲德無多月蓮涇培
花未幾旬計日皇都勤報績跂看寵渥下丹宸

申詒芳 維清 巳卯

煜煜屏星曜帝京南臨閭闔轉蜚聲膏深窮蔀春
常在電掃神奸晝敢行借寇情長難卧轍歌驪愁

斷為飛旌綸音指日褒嘉績好把恩波向酒城

姚 醴 茵堦 辛卯

欣傳郡佐著芳休諫奕家聲起古州飛鳥惠風通
臥閣行車甘雨入清流東吳會計今方奏西苑

宋實頴 旣庭 辛卯

丹書好自酬日暮征帆何處望思劉江上幾人謳
忽聞驪唱滿江湄父老于今借寇時有口盡歌衣
五袴無人不頌麥雙岐鄞營銘石黃公在蕭寺遺

金漕使辭望斷江干楊柳暗祝君惟願被天禧

許願虬

竹隱
辛卯

燕雲篇奉送

松門老公祖先生督運北征

三吳六月炎熇熱我公督運燕雲北五馬分輝落
日西雙旌彩映晴江色簫鼓喧闐歌頌繁父老牽
衣盈道側扳轅臥轍無已時擁滯車舡行不得自
公視事歷冬春輸粟萬方如有情閭閻絕少追呼

吏部落唯聞清惠聲

公兼攝總
部有政聲

今日華軒遊

帝

里篷窗半榻饒圖史涼風颯至芟菰香揮藻江城

飛玉蘂擊楫朝看泰岱峰揚舠夜渡黃河水白雲

親舍長安中行役母勞歌帖吧

時太翁
客燕都

三組輝

焜物色多兩袖清風恒若此玉食東南只數州公
也報最居上頭入告方陳民力訕轉輸不匱廟堂
憂君不見千秋一鄮侯

方時雍

在宥

清風千里壯雲旌攀臥重懷騎竹迎結綬氣雄天
牧座借籌春滿闔閭城兵消潢澤萑葦淨輓集京
坻種稷盈熊軾天臨歌畫一尚邀鳳引慰蒼生

張

豐

天工
府庠

白水波流下五湖菊黃豹察撫全謨昔年滋雨培
花縣今日層冰映玉壺吳會鋒銷徧野犢長安米
滿大官厨馳功第一君家事競說前謀有漢圖

朱

蘊

月石
長庠

載道爭傳樂只聲康侯偉績頌干城刑書未鑄萑
苻息穀簿初頒糜芑盈茂苑風清馴野雉蘇臺日
暖炤啼鶯輿歌共惜逢君暮馬首誰堪又北征

徐

煦

杲若
府庠

漢家功第一幃幄跨子房發蹤多奇謀帶劔曾上
堂約法留三尺風流起豫章文鳳雄江左小山團
桂香盤錯維藩重分符劇建康雨花新氣候桃葉
靜餘艤琴鶴臨吳會梧宮藹夕陽佐郡展籌畫運

儲動萬穡買犢躬畝歌沉猛虎行利器神工斧
膏雨溢封疆一朝歌驪曲惻惻皇華傍雙旌旋北
極奏最著助勦屏星望不遠紫氣澆金閭

許永和

而梅
長庠

循良不擇地藹藹化頑器餉足牙穡動奸驅莖雉
馴風融山有色澤遠海無垠何俟郡情禱行看
寵數新

施 咸

有一
長庠

金閭紫氣滿郊墟借得神君數月餘花暖河陽管
茂宰風高吳嶺近題輿一簾坐照推民隱片語欣
傳散簿書父老于今歌已暮江頭何復駕征車

陳德升

恭士
府庠

昔日河陽雨露滋闔閭忻接憇遲遲千家振響歌
何暮百里銘心勒去思震澤澄波流赤草洞庭輝
望映青芝關中第一名猶在奕奕君侯好並馳

施 臧

計端
長庠

乙未六月流寓吳趨奉送

松翁老祖臺入京

茂苑花明鶴署清
蕭齋香靜碧雲生
心如秋水閒無事
人坐春風政有聲
霖雨南來沾八極
福星西去指雙旌
擲侯自轉關中粟
會見龍章出鳳城

其二

偕隱臯橋客思孤
落花飛燕滿江湖
自公不倦登臨費
好我常供筆墨租
幾部笙歌迎竹馬
一簾冰

雪映珊瑚離筵恰有楊梅熟爲帶芬芳入帝都

江東余懷澹心

蘇臺花草素相招
拋却鍾山隱下寮
試問君家光漢冊
獨輸關內老臣蕭

鄭敷教士敬

庚午

一出桑扈蔭萬家
白門吏隱寄年華
渡頭菹葉蓮花幕
日落烏衣令史衙
枳棘豈堪祥鳳集
臺司久已冊名佳
金閭何幸逢鳧鳥
半載芳吟護碧紗

陸元文

甲午

澤國波深日王孫吏隱時荷菰迎畫艇絃籥徧新
詩司詹農占瑞懲愆戶不是黃堂懷倚輔長晚晝
陰遲

毛鍾彥

丙戌

仁君方課計祖帳欲牽裳竹馬歡聲遠輶車古道
涼鳧飛黍谷暖花住錦帆香願速萊公返三秋未
喻長

吳元胤

戊子

少府今推俊雄都起譽芳字人多異術獻賦得名
章恩添新綬色書讀舊芸香谷雨浮秧翠征衫帶
月涼廉來歌袴幅趙去只琴裝為盼朝

天路相攜繕祖觴

湯傳檄

沈約名芳作賦才翩翩書記美根荄胎珠握鏡方
前御並蒂分符復後陪為政心閑調玉軫字人春

德文頌

暖勝金醅只愁日近翻成遠且附南風頌阜財

湯傳楷

舊說詩人慣水曹於今倅郡並名高當年庾嶺梅
芳潤此日吳門雨澤膏花隱蟬鳴隄近句風移荷
爽送微濤

帝城自有如天福佇乞南還速駕鼇

湯傳模

夫子才名滿江右翰墨精工任馳驟雷封百里走

粵中彈丸脫手咸輻輳朝看飛鳥姑射山暮宿衙
齋聽更漏三年報晁琴聲清攜琴控鶴來金陵金
陵自古帝王地風流佳麗今猶仍日日江頭坐翠
微雨花臺畔落暉遲政事閒庭數盃酒公堂一揖
旋委蛇上官鑒茲轅下跼可惜良材豈溝木試之
盤錯立見長特命來蘇佐郡牧往時寇盜彌山林
出沒嘯聚無能禁一旦金吾夜弛柝民皆安枕忘
縈心薄田數畝可耕種但願年年緩輸貢從此石

壕鮮吏人總是使君活我衆即日征帆挂水濱敢
乞一言當事陳側耳諦聽

王言溫

吳人鳳

攀車今日意何期秋浦芳蘭繫所思兩袖竹風行
滿篋一簾桃李憶連枝才名擬入龔黃譜歌咏新
添召杜辭試聽五題堪十最聲聞鴛鴦沐恩私

曹林

聞氣開先古粵東彤弓班管渡盧龍三儂暫沛隣
封雨五馬旋馳上國風綠野構堂臨震澤朱蘭倚
玉擅吳宮壘書行表循良績屈指今時有令公

張鈺

祖道金閭執銳鞭俄看報績擬登仙臨淮時雨群
材化吳會甘棠萬井傳熊軾漸遙難借寇鱸堂伊
邇正思玄竚瞻建節歸南國函丈追陪有二天

王時遴

襄績三吳擅理繁
鄧侯舒展重王言
貔貅有賴能
超乘桃李何緣得
在門洪浦月明珠
出澤蘇臺花
發錦爲垣行看報
政功書最竦俟絲
綸下

九闈

姚允升

不驚鷄犬不聞遺
遺梯民歌政十奇
來暮久傳襦
袴頌甘棠先賦繡
衣詩闌成白雪
唵清晝案鼓朱
絃遍撫綏雨露一
天隨地足生成到
處滿花蹊

包文選

春風到處馬蹄香
栽遍南吳匝地芳
簾箔影搖冰
雪古印床晴拂
椅桐涼千山伏莽
籌邊共永夜清
尊橫槊狂好似端
州良刺史攜來雙
袖硯無裝

薛爾張

鸞姿只合奮天隄
何意遙來傍枳棲
寶篆芸香琴
細細花封柳陌
草依依若非虞詡
當年治應是東
山舊日蹊寄語使
君休厭理永從借
寇護斯黎

曹楨

蓋代詞章伯翩翩吳地來聲華齊九豫光焰燭三
台茂苑文星燦金陵宿霧開一經傳世德四海仰
雄才繡虎吟餘現雕龍筆底裁姓名芳仕籍踪跡
溷塵埃檄觀頭風愈轄投嘉客回昔時推董賈今
日覲鄒枚本是豫章品終爲梁棟材

張今錢

鶴瘦琴清庭署虛官閒贏得類幽居不須解綬尋

松菊且自分符眎簿書四境風熙沔澤溥半簾月
皎印心初公餘嘯傲無他事好句時賡推雪車

王天爵

麟文鳳彩偶鷓棲駿坂風馳又截犀庭水炤人時
顧影群山邀客每留題冰壺貯月清無比天柱開
雲迥欲齊爲問清時何所報鸞絲不借五花泥

劉儀

丰標信是五陵豪驚坐聲名山斗高筆底詞源三

峽瀉胸中武庫萬全韜誰爲伏櫪思千里獨羨新
劓奏大刀惠政甦危歌再造空囊見誚緼衣袍

錢 錢

海內人爭識鳳麟蘇臺何幸有台星快瞻芝宇依
瑤樹淡仰蘭心映玉蘅雉岫萬家懷父母龍山千
里誦神明懸知善政聞

丹宸紫誥還看繡斧榮

鄭 立

夫子專城正妙年金陵吏隱自夷朕階前摘發稱
三異筆底縱橫納百川願受一廛耕可讀恭瞻
法座吏如仙行看輪輓朝

當宁萬里秋空一鶴騫

查維典

半載承流制行奇龔黃聲譽浹於茲秋風淨掃鳴
琴處夜月空篩帶鶴時潔映秦淮千尺水芳芬虎
阜數行芝朝家原重清廉選會有綸音下

丹墀

丘岳

神君久矣盼來蘇誰淬新礪縮舊符五老仙標飛
玉鳥雙湖寒影湛冰壺頻桃綠綺清相近閑對玄
裳澹欲無魯雉春深花事好槐風正午咏醍醐

顧竑

名公卓異冠時流不羨龔黃古列侯倚馬才情傾
峽水剽犀鋒潁淬吳鉤荒村夜月無麗吹劇郡春

風有鹿吻安石經綸雖小試懸知彛鼎卜金甌

沈元枋

胥江一派清且碧膏雨滂沱人不識樵歌牧唱野
成歡琴韻簫聲堂履吉誰謂繭絲保障哉滿區牛
犢潢池息月空四境遍天荒炤盡郊原寒徹骨

宋揆受

琴鶴相隨點宦裝清風堪並子陵長署中冰鑑皆
詞賦座上刑名卽典章謙已彙征歌杜杖淑民熙

御正公
卑頌甘棠春風半載空千古竚看勛猷著太常

徐賡

劇地何緣藉縮符澄清千里一登車高秋露氣浮
仙掌永夜冰壺徹太虛坐嘯南樓孤月滿行唵東
閣埜梅舒由來吏績推班馬好並龔黃卓魯書

蔡德熙

吳山原不異似爲使君佳草亦遙生碧蝴應上遶
階直耐百里酒閒殺兩行牌試向民間問春風坐

一街

胡公社

雄才邁世委莪莪座擁青山任撫摩野濶雲流春
有脚庭虛月靜水無波官情澹遶池塘夢民隱爰
典襦袴謦佇看

壘書伊邇賜一天化雨誦菁莪

吳時化

威鳳祥麟不世才蘇臺何幸接三臺卽看棠蔭千

林芾屬盡冰壺一掬裁治以鳴琴堪奏最民因削
牘竟忘猜漢朝循吏今誰是此地重瞻杜母來

洪國宰

捲簾風月靜柳影上堦清筆點千家雨花飛萬里
城蝗驅今卓茂酒嗜古淵明向闕長安近丹書天
馬鳴

胡天錫

甘雨沃蒼黎歌聲徹錦溪難將心作頌還倩石爲

題訟息惟聞鶴民稠只聽鷄經年頻想望今始爲
雲霓

張羽登

風雅公世家驚人句有昔况此虎溪岫遠過宜州
碧簾密度惠風庭空閒春日飛雲合復開山鳥出
還入非故玩物華案牘清刀筆白鶴長馴堦赤子
時置膝體要事不煩風淳情易一嘯咏自夷由澄
江仍練色

顧廷璣

豸服初膺化洽深鄰封士子動相欽車行春雨隨
滋及閣卧芳聲暨遠唵下榻因知徐子識圍棋自
得謝公心政成奕奕霏玄屑允矣今朝卓魯音

孫錫爵

星聚堂開曉日隴竹苞松茂藹春風訟庭晝靜苔
封砌琴案簾閒鳥下空四國欣沾郇伯雨郡黎喜
覩黑頭公閭閻歌頌尋常事一到君侯自不同

蔡 鉉

鸚鵡賦成擅大宗雲霞染翰玉爲容來膺吳會饒
符綬迅發雲霄萬里踪談塵清搖鸞解月治徽雅
和鳳樓鐘不才得坐春風裏敢道孫陽不會逢

蔡 鉞

瑤琴獨理暮雲平爭喜宮牆得玉盟一樹甘棠春
露湛萬家楊柳野烟清芙蓉蕖花半堪獻句桃李陰
深可進觥聖代只今崇史治仙臯擬俟鳳凰行

芙蓉綽約絢蘇城少府牽帷夾道迎禹跡遙分青
瑣署寇公親觀白雲卿冰壺月湛恩波濶黍谷風
翔肺石清華祝滿郊留未解縑緗裁賦倍鐘情

王玉琬

靈巖紫瑞繡屏開中有仙班飛鳥來門闕自傳簪
履舊風猷恰見緯經纔已驚粵嶠紛龍躍更喜丹
山長鳳胎遊亦恍疑身是客棲襟真覺世皆孩庭

餘瘦鶴啣書授廡亘長松列戟栽陳牘每看山色
了新詩常對篆烟裁邑無吠豹人依靜野息蜚鴻
民愛推東肇翕然歌麥穗南山樂只頌臺萊桑麻
被畝雲封積莖李成蹊漢倬回獨羨仁風高十部
共占景曜接三台國僑製錦渾輕擬宓子鳴琴亦
偶猜公輔預優宏綽量廟堂亟藉駿雄才春熙冬
日兼醪續爲佇天章賁閣臺

陳嘉謨

聰明大小舊風流四牡重來古渡頭
詩句輞川摩詰畫文章山簡習池遊
澄清案牘花簽押冰映官衙月共謀
好借輓輸觀逝水淮江烟雨使君收

金天羽

貢士

使君江上片帆過澤國苞桑惠濟多
點綴簿書成翰墨流傳篇咏作謳歌
白門風露秋懷爽茂苑烟花春景和
名姓豈寧醫吏俗會須視草向金坡

何

雍

貢士

